

關中勝蹟圖志

關中勝蹟圖志卷三

兵部侍郎兼都察院右副都御史陝西巡撫畢沅纂

大川

附水利

西安府渭水在長安縣北三十里西自咸陽流入境東出咸寧界周禮職方氏雍州其浸洛渭周書職方解雍州其川渭洛洪範五行傳渭水秦大川也唐六典關內道大川曰渭水關中記渭與涇洛爲關中三川又涇渭灞澹豐鎬潒潒爲關中八川山海經渭水出鳥鼠同穴山東注河漢書地理志隴西首陽縣鳥鼠同穴山在西南渭水所出說文渭水出隴西首陽亭南谷東入河杜林說夏書以爲出

鳥鼠山雍州浸也水經注渭水又東北泚水注之

謹案泚水卽瀾

水其入渭在本縣界又東分爲二水又東與泚水枝津合又東逕長

安城北

謹案縣西北十三里爲長安故城渭水詩樹似新亭岸沙如龍尾灣猶言吟暝浦應

北周庾信望

有落帆還隋柳詒奉和春日臨渭水應令詩飲馬投錢岸解鉤剖橫津風絲曳香餌覆杯懷昔人唐沈佺期上巳日被袂渭水濱應制寶馬香車清渭濱紅桃碧柳

袂堂春皇情尚憶垂竿佐天祚先呈捧劍人

臣謹按關中巨浸首號八川司馬相如上林賦云終始
灞澹出入涇渭豐鎬潦瀾紆餘委蛇經營乎其內蕩蕩
乎八川分流相背而異態釋之者曰長安之地瀾鎬經
其內涇渭繞其後灞澹界其左灃潦合其右此固禹周
之故道也自西周而後以迄西漢隋唐建都於此歷代

相承鑿引諸川以便輓輸資汲取溉田畝灌園囿津梁
交午離合不常渭南諸川盡失其舊以今考之八川中
惟涇渭潦潏澹水尙可尋其故蹟至灋水則自漢王商
穿長安城引入第中其流卽徙故詩云灋水東注而漢
志則云北過上林苑入渭則是北流而非東注矣又鄭
當時開漕渠靈輶富民昆明諸渠皆橫絕豐鎬唐貞觀
中堰豐鎬入昆明池又於京城西北引豐水爲漕渠合
入鎬水北流由禁苑入渭太和以後石闌堰廢而昆明
池涸豐鎬亦俱斷流是以關中入水今僅得有其六又
唐貞元四年灋水泛溢縣志云自是而後遷徙無常是

以現行水地經流脈絡雖尙沿習舊名至求禹蹟周原之故躅大半遷流紛錯無可尋求矣

豐水在長安縣西南四十里自鄠縣界流入又北至咸陽入渭漢書元后傳成帝時王商穿長安城引入豐水注第中大陂以行船長安志豐水自鄠縣界來由馬坊村入咸陽雍勝略豐水北流其西高觀太平二谷水入焉東則雪谷龍羸西和白石羅什諸谷水入焉爲西交河又北有東交河水入焉

潏水在長安縣南二十里自咸寧縣界流入又西北入渭水經注沔水上承皇子陂於樊川北逕長安城西與昆明

池水合

謹案次郎潘字

長安志潘水東自萬年縣界流入交水通

志皂河卽漕河自牛頭寺入縣境西北流至丈八溝

謹案

縣西南十五里

分流爲通濟渠

謹案太平寰宇記云漕水卽沈水也一名皂河又顏師古司馬相如

傳注云潘水或從水旁次與沈字相近故俗亦有作沈者

交水在長安縣南三十二里源出咸寧縣南山西北流至

縣界入豐水水經注交水又西南與豐水枝津合又西至

石碣分爲二水一水西流注豐一水北逕細柳諸原北流

入昆明池

鎬水在長安縣西南詩大雅考卜維王宅是鎬京書傳文

王作豐武王理鎬鄭康成注豐在鎬水之西鎬在豐水之

東相去蓋二十五里史記秦始皇本紀始皇三十六年有
人持璧遮使者曰爲吾遺滈池君正義孟康曰長安西南
有滈池水經注鎬水上承鎬池謹案鎬與滈本相同十道志滈池一
名元趾在昆明池北始皇毀之迄漢武帝穿昆明池而周
京故趾益無可究雍勝略鎬水源出太乙山西谷中北流
迤西得石鼈豹林諸谷水過御宿川北香積寺南西合渭
水爲東交河又西入豐水

聖女泉水在長安縣西北二十里一名冰池卽滈池也長
安志聖女泉出昆明池北平地周十步西北流五十步與
牧猪泉合詩小雅滈池北流鄭康成箋豐鎬之間水魏書

地形志長安縣有漈池水水經注漈池水出鎬池西而北流入於鎬世傳以爲水名三輔黃圖冰池在長安西圖經

冰池在縣西北十五里

謹案圖經云漈池名冰以聲近而誤

御宿川在長安縣西南四十里漢書揚雄傳武帝廣開上林南至御宿昆吾一作御宿元后傳夏游御宿一作御羞百官表武帝元鼎二年置御羞禁圃令丞通志御宿川北岸之西滴水來會爲東交河南岸之西爲西交河又西爲豐水又北至定昆池爲豐鎬之間又北爲鎬入豐處御宿之地盡矣

謹案三秦記樊川一名御宿程大昌雍錄從之今考樊川在咸寧縣南不得與御宿合爲一別

詳卷後

永濟渠本名通濟渠源出南山大義谷西行過杜韋二曲至咸長交界經沈家橋漸轉而北過丈八頭閘由長安西門入城項忠通濟渠記宋大中祥符間知永興軍事陳堯咨嘗引龍首渠水自城東入以便人用成化改元予巡撫陝西民言去城西南十五里地名丈八溝若能疏導自西入城人用之餘可泄之池以環厥城再餘泄經九龍池入於澮從之功成命名通濟余子俊通濟渠記通濟渠水出咸寧大義谷正派合小義谷炭谷之水爲湑河卽交河支派第一派爲龍首渠第二派無名第三派爲胡公堰引水經流咸寧義谷里與阿姑泉合流爲皂河經流諸處至丈

八頭作閘引水入西安府西城壕爲通濟渠

已上長安

臣謹案農田爲民生之本計而灌漑所資必需水利關中據百川上流導引甚易昔人謂陝西無地不可興舉水利故渠堰視他省爲多今通計西安等府州所屬四十七州縣共渠一千一百七十一道灌田六千四百五十餘頃其經流之大者如西安省城東有龍首西有永濟兩渠同出於大義谷第一派之水龍首由小義太乙二谷之間北行又轉而東由咸寧東長樂門入城

詳見咸寧

永濟由大義谷水源西行過咸長交界爲碌砣堰北行至分水閘分水閘一支爲丈八頭入灃河又北逕南窖

頭由長安西安定門入城蓋關中土厚水深宋陳堯咨
謂城內井泉大半鹹苦二渠分流廛閭民間汲引利賴
實殷又不僅爲田畝輸灌所資也永濟一渠自明成化
元年開通而後終明代未經鎔會我朝康熙三年撫臣
賈漢復始議疏濬六年重修旋復湮塞臣自蒞任以來
以茲渠爲會城日用所關議加濬治並委大員專司督
辦遶城壕溝挑挖寬深現今水勢疏通長流不竭旣足
以利田功更可以資汲取至各屬渠堰每歲俱於入春
以後土膏萌動督飭該州縣詳加相度各就本境起覓
民夫分別修濬臣復檄地方大員親履察勘務令湮廢

者漸次興修而流通者益加暢達於民間農田水利庶有裨益云

渭水在咸寧縣北三十里自長安縣流入東逕高陵入臨潼縣界水經渭水又東過霸陵縣北注又東經霸城縣漢文帝之霸陵縣也

謹案霸陵今屬咸寧

潏水在咸寧縣南二十里西北流入長安界說文潏水名在杜陵張揖上林賦注潏水出南山三輔黃圖潏水在杜陵從皇子陂西北流通志潏水逕杜曲樊川南又西過韋曲華嚴川南又過下杜城南神禾原北折而過神禾原西至香積寺西南與鎬水合爲東交河此一流也其一流自

東岸北流入城爲永濟渠

澹水在咸寧縣東十五里自藍田界流來合灞水長安縣志藍田庫谷水北流二十五里合採谷石門谷水下流入

荆谷水號澹水

謹案荆谷水卽荆溪水亦曰長水此卽酈道元所非之說詳見下

又下流

二十五里合灞水又北流二里入渭通志澧川在城東南三十里焦戴川自東南來澧川自西南來兩川相合爲澹與樊川御宿號爲三川

灞水在咸寧縣東二十一里自藍田縣來合澹水北流入渭或作霸同水經注霸水左合澹水歷白鹿原東謂之霸上又北長水注之又西北左合狗枷川水其水北注荆溪

水又北注霸縣有溫泉入焉亂流注於霸俗謂之澹水非也

交水在縣南三十里一作福水福亦作溜水經注交水故渠有二流合於高陽原而北逕河池陂東西北注次水太平寰宇記萬年縣有福水卽交水也上承樊川御宿諸水出縣南山石壁谷南三十里與直谷水合張禮城南游記樊川御宿之水交流故名交水

樊川在咸寧縣南三十五里雍勝略一名後寬川一名華嚴川卽湔水所經也水經注其地卽杜之樊鄉漢祖至櫟陽以將軍樊噲灌廢邱最賜邑於此三秦記長安正南秦

嶺額根水北流爲秦川一名樊川張禮城南游記樊川在
涵水河北渠南西北爲杜曲又西北爲韋曲又西爲華嚴
寺西爲鴈鶩陂西北有第五橋又迤北爲鎬池樊川之地
盡矣縣志自義谷西北四十里至塔陂川入長安界

龍首渠在西安府城東南咸寧縣界宋敏求曰史記云穿
渠得龍骨故名縣志龍首渠一名清水渠隋開皇初堰澹
水自大興城東南入城唐分爲二渠一西入通北門至興
慶宮景龍池又西入西內太極宮一北入東苑至龍首殿
又注凝碧積翠二池又西北入大明宮後灌太液池五季
後洄宋史河渠志大中祥符七年陳堯咨知府事以城內

井泉鹹苦相度城東二里之龍首渠其水清甘可五六十

丈開引入城散流壅閘民咸賴之

宋賜陳堯咨勅勅堯咨省所奏永興軍城裏井

泉水味鹹苦居民不能得甜水吃用臣親自相度府城東二里以來有水一條名曰龍首渠其水清冷甘甜只將五七十人開一小渠引注入城四散於街市居民門前流過却出城濠之內闔郡士庶人民僧道盡得甜水吃用皆上感聖恩事具悉卿幹用適時精心率職方要于藩之任尤資治劇之才而能相厥土之高卑究斯民之利病麾煩庶役潛導迅流直貫城闔俯周壘閘既蕩邪而難老亦播澤以無窮矧龍首之清渠實漢京之舊跡克修廢墜深副倚毗閱乃奏章遽資推美其於數尚不捨寤興故茲獎諭想宜知悉夏熱卿比平安好遣書指不多及謹案隋唐分東西二渠宋止修西渠故道東渠堙廢已上咸寧

臣謹按龍首渠與永濟渠同發源於大義谷第一派之

水東過眞武原至引駕迴鎮又東北至鳴犢鎮入滄河

復引水入渠口西北行經留空村至田家灣諸處

詳見圖內

經流漸細明成化間曾事疏挖我朝康熙三年撫臣賈漢復重加修濬今惟上流甫高村江村等處灌田四百餘畝其入城故道尙俟集議復焉

渭水在咸陽縣南一里自興平界流入逕縣南合豐水又東逕鄠縣界東入長安界書禹貢渭水東會於豐水經注渭水與豐水會於短陰山南又逕太公廟北與鎬水合又東北逕渭城南

謹案渭城故城在縣東北

勞水在咸陽縣西南二十里自鄠縣來北流逕縣境入渭豐水在咸陽縣東南三里源自鄠縣流入長安界逕縣境